

Sapientum Chaldaeorum interpretari potuit, Daniel vero, spiritu divino praeditus, veram eorum significationem explicuit, quod singulari providentia Dei factum videtur, ut Nebucadnezar ejusque populus ad veri Dei cognitionem Judæis revelatam pertraheretur. Constat quoque Neucadnezare agnovisse Deum Israël, manifestum hoc est ex cap. II. Dan. v. 47. *Locutus est Rex ad Danielem, & dixit, verum est, quod Deus vester sit Deus Deorum & Dominus Regum, atque revelator secretorum, quia posuisti revelare secretum hoc.* Sed hanc veri Dei manifestationem transgressus est rex & populus ejus, fabricando statuam eamque adorando conf. Dan. III. Manifestus quoque est Deus Israel per Sadrach, Mesach & Abednego. conf. Dan. ibid., aliisque modis. Hanc veri Dei cognitionem neglexerunt Chaldaei & alia quam plurima peccata commiserunt, imprimis in Judaeos, quos verum Deum adorare cognoverunt, crudeliter saevierunt.

*Et poenam luet*) Hebr. חַוְּנָה & reus erit poena. Vocis illius significatio patebit ex locis parallelis. Gen. XXVI, 10 dicit Abimelech ad Isaacum, *cur hoc fecisti nobis* (dicendo Rebeccam esse tuam sororem) *parum absuit, quin dormierit unus e populo cum uxore tua, & induxisses super nos חַוְּנָה, poenam vel reatum poena.* Gen. XLII, 21 dicunt fratres Josephi, in Ægypto à Josepho duriter habiti; *verè חַוְּנָה rei poena sumus, propter fratrem nostrum, nam vidimus angustiam anime ejus, dum deprecaretur nos, & non audivimus eum.* Quandoque vox illa ipsam poenam & devastationem Dei judicio immissam denotat. Sic Es. XXIV, 6 legimus: *Propterea maledictio divina desolavit terram חַוְּנָה & desolatione puniti sunt habitantes in ea, ideò exusti sunt habitatores terrae.* Similem terrae Judaicae devastationem eadem voce

voce